

DHOMA E POSAÇME E GJYKATËS SUPREME TË KOSOVËS PËR ÇËSHTJE QË LIDHEN ME AGJENCINË KOSOVARE TË MIRËBESIMIT	SPECIAL CHAMBER OF THE SUPREME COURT OF KOSOVO ON KOSOVO TRUST AGENCY RELATED MATTERS	POSEBNA KOMORA VRHOVNOG SUDA KOSOVA ZA PITANJA KOJA SE ODRNOSE NA KOSOVSKU POVERENIČKU AGENCIJU
---	--	--

ASC-09-0092

Në padinë e

Punëtorët e [REDAKTUAR]
Parashtruesi i ankesës [REDAKTUAR]
Lubeniq, Pejë (aktualisht me banim në Gjermani)
Përfaqësues: Luan Fetaj (Rr. Kodra e Diellit, H1, K6, B14,
Prishtinë)

*Parashtruesi i
ankesës/Apeluesi*

kundër

Agjencia Kosovare e Privatizimit (AKP)
adresa: Rr. Ilir Konushevci Nr.8, Prishtinë

I Padituri

Për: Ankuesin, të Paditurin

Dhoma e Posaçme e Gjykatës Supreme të Kosovës për çështje që lidhen me Agjencinë Kosovare të Mirëbesimit (DHPGJS), Kolegji i Ankesave, i përbërë nga Richard Winkelhofer, Gjyqtar Kryesues, Torsten Frank Koschinka dhe Eija-Liisa Helin, Gjyqtarë, pas seancës vendimmarrëse të mbajtur më 4 shkurt 2010 lëshon këtë:

AKTVENDIM

Apelimi refuzohet si i pabazuar.

Vërtetohet Aktvendimi i Trupit Gjykses të DHPGJS-së në lëndën SCCL-09-0015 C27 (datë 15 tetor 2009) me të cilin refuzohet ankesa si e papranueshme.

Rrethanat faktike dhe procedurale

Më 21 gusht 2009, Apeluesi ushtroi ankesë pranë DHPGJS-së ku kërkonte përfshirjen e babait të tij të ndjerë [REDAKTUAR] në listën e punëtorëve me të drejta legjitime të NSH UTVA. Ankesa ishte regjistruar me numrin 27. Afati i fundit për të ushtruar ankesë lidhur me listën e punëtorëve me të drejta legjitime të NSH UTVA siç ishte publikuar nga AKP-ja ishte më 4 korrik 2009.

Apeluesi pohoi se i babai i tij i ndjerë kishte qenë punëtor i NSH UTVA nga data 1 shkurt 1983 deri më 1 prill 1999. Në bazë të dokumenteve të dorëzuara [REDAKTUAR] kishte vdekur gjatë konfliktit të armatosur në vitin 1999. Apeluesi pretendoi se vdekja e babait të tij duhet të konsiderohet si diskriminim direkt,

II

kështu që babai i tij duhet të përfshihet në listën e punëtorëve me të drejta legjitime.

Më 1 shtator 2009, AKP-ja paraqiti reagimin e saj në ankesë. AKP-ja u pajtua me ankesën dhe – duke përmendur praktikën e mëparshme të DHPGJS-së – kërkoi përfshirjen e të ndjerit [REDAKTUAR] në listën e punëtorëve me të drejta legjitime të NSH UTVA. Në reagimin e saj AKP-ja nuk e adresoi çështjen e pasafatshme të ankesës.

Më 15 tetor 2009, Trupi Gjykes i DHPGJS-së – mes tjerash – e refuzoi ankesën e Apeluesit si të papranueshme për faktin se ishte ushtruar jashtë afatit të përcaktuar me nenin 10.6 të Rregullores së UNMIK-ut 2003/13. Aktvendimi i DHPGJS-së iu dërgua Apeluesit më 27 tetor 2009.

Më 25 nëntor 2009, Apeluesi ushtroi apelim me të cilin kërkoi anulimin e aktvendimit të DHPGJS-së SCEL-09-0015 C27 (i datës 15 tetor 2009) dhe të pranohet ankesa e tij si e afatshme. Ai pohon se nuk ishte në gjendje të ushtrojë ankesë para datës 14 gusht 2009, për faktin se pushimi i tij vjetor filloi mu atë ditë (vërtetuar nga punëdhënësi i tij në Gjermani). Apeluesi e ndryshoi pak ankesën tani duke pohuar se babai i tij i nderë ishte punëtorë i NSH UTVA mes 1 shkurt 1983 dhe 23 shtator 1988.

Arsyet ligjore

Apelimi është i pranueshëm por i pabazuar. Në bazë të nenit 63.2 të UA-së së UNMIK-ut 2008/6 Kolegji i Ankesave vendosi të refuzojë pjesën gojore të procedurës.

Apelimi mund të jetë i suksesshëm vetëm nëse ankesa do të trajtohet si e afatshme. Nuk ka rëndësi nëse AKP-ja nuk e ka ngritur çështjen se ankesa ishte e pasafatshme, pasi që kjo është çështje e pranueshmërisë, e cila, parimisht, nuk është në zgjedhje të palëve, por duhet të merret parasysht ex officio.

Duke marrë parasysht këtë, Kolegji i Ankesave e konsideron ankimin si kërkesë për kthim në gjendjen e mëparshme në pajtim me nenin 117 të Ligjit mbi Procedurën Kontestimore (Gazeta Zyrtare e RSFJ 4/77, 36/80, 69/82, LPK).. Natyra ligjore e kërkesës për kthim në gjendjen e mëparshme është e natyrës procedurale dhe materiale, kështu që një pozicion i saktë i pranueshmërisë së një kërkesë të tillë është i panevojshëm. Megjithatë, kërkesa është e pabazuar.

Arsyet e justifikueshme në kuptim të nenit 117 paragrafi 1 i LPK-së (i cili është në fuqi për shkak të nenit 70 paragrafi 3 pika a e UA-së së UNMIK-ut 2008/6) për mosmarrjen e veprimeve të nevojshme procedurale në afatin kohor të paraparë me ligj apo të caktuar nga Gjykata jepen kur mosveprimi nuk ka qenë për faj të palës që ka kërkuar kthimin në gjendjen e mëparshme. Fakti i pohuar se Apeluesi është dashur të qëndrojë në Gjermani deri më 14 gusht 2009 nuk është i pranueshëm si arsye e tillë. Kjo jo vetëm që është në kundërshtim me deklaratimet e mëparshme të Apeluesit se ai ishte në Kosovë deri më 25 korrik 2009. Së pari, Apeluesi mund të kishte autorizuar një avokat për ta përfaqësuar atë para DHPGJS-së që do të siguronte që ankesa të dorëzohet në kohë. Më pastaj, në ankesën origjinale ai nuk kishte adresuar çështjen e vonesës dhe nuk kishte kërkuar, as absolutisht, kthimin në gjendjen e mëparshme.

III

Është detyrë e palëve që të vazhdojnë sa më parë me obligimet e tyre. Siç e përcakton neni 118 i LPK-së kthimi në gjendjen e mëparshme pas tre muajve nga dita e ometimit, nuk mund të kërkohej më. Afati prej tre muajsh ka skaduar më 5 tetor 2009.

Prandaj, kërkesa u hodh poshtë. Kjo u bë nga Kolegji i Ankesave në vend të Gjyqtarit Kryesues, siç parashihet me nenin 121 të LPK-së, pasi që dispozitat e LPK-së zbatohen vetëm me ato modifikime që konsiderohen të nevojshme nga DHPGJS-ja, neni 70 paragrafi 3 i UA-së së UNMIK-ut 2008/6. Pasi që vendimi për të miratuar apo mohuar kthimin në gjendjen e mëparshme është vendim që prek mu në thelb të drejtën për gjykim të plotë të lëndës, Kolegji i Ankesave, duke marrë parasysh strukturën e procedurës para DHPGJS-së siç parashihet me UA-në e UNMIK-ut 2008/4 dhe UA-në e UNMIK-ut 2008/6, e konsideron të rëndësishme që këto vendime të merren nga Kolegji në vend të Gjyqtarit Kryesues.

Nuk është marrë vendim për shpenzimet.

Richard Winkelhofer, Gjyqtar Kryesues
EULEX

[nënshkruar]

Torsten Frank Koschinka, Gjyqtar
EULEX

[nënshkruar]

Eija-Liisa Helin, Gjyqtare
EULEX

[nënshkruar]

Tobias Lapke, Regjistruer
EULEX

[nënshkruar]